



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta
præcipua, & eximiæ Virtutes Sanctorum ac Beatorum utriusque sexûs
Ejusdem Sacri, Et Ab Origine Sua Exempti Ordinis

Meglinger, Joseph

[S.l.], Anno MDCLXXXIII.

10. Novembris. 4. Idus.

urn:nbn:de:hbz:466:1-45314

nec in se sperat, factus sibi tanquam
 vas perditum: sed sic perdens animam
 suam, ut in vitam aeternam custodiat
 eam. Porro id quidem sola facit hu-
 militas cordis, ut non sibi fidelis ani-
 ma innitatur; sed deserens semetip-
 sam ascendat de deserto innixa super
 dilectum.

DEI so-
 lius au-
 xilio
 inniti-
 tur hu-
 militas



10. Novembris. 4. Idus.

B. ANDREA, Abbas Calisi, cujus Floruit
 monasterii prima jecisti funda- anno
 menta, tam celebri virtutum famâ in- 1240.
 clytus, ut statim à morte per populi
 acclamationem titulum sanctitatis
 obtinueris. Duplicem plerumque Deus
 retribuit mercedem operibus piè susceptis:
 largitur famæ gloriam in hac vita, in al-
 tera vitam sinè fine. Sed utramque sola
 meretur, quam utinam meis actionibus
 semper præfigerem, Recta Intentio.

B. ALQUIRINE, Clarævallis Obijt
 Monache: qui tanquam rutilans ex il- anno
 lo virtutum cælo radius, charitatis ig- 1169.
 nem in domesticos & extraneos spar-
 sisti. Ansam præbuit Medicinæ scien-
 tia, quam ita morbidis adhibuisti, ut
 ad feli-

*Medi-
cum a-
git ani-
marum
& cor-
porum.*

ad feliciorē curæ methodum præmitteres pharmaca, interiores animi morbos sanantia. De cætero solum in ulcerosis Christum intuebaris, ac sine horrore fluentem ex putentibus membris saniem non manibus solum sed & osculis premebas. Fuit id longè gratissimum Medicorum principi Christo; qui, ut te ad heroicis huius-

*Christi
Vulne-
ra sua
ei ad
osculi
offert.*

modi actus audaciorē redderet, sua sacratissimà vulnera tibi amplexanda obtulit, relinquens in corde tuo tam dulce amoris vulnus, quod tum primum coaluit, cùm anima ad vitam immortalem evolavit. Quàm horribilia infligat animæ vulnera peccatum, convincunt pretiosissima remedia, his ulceribus adhibenda: sanguis nempe ille Divinus, quem pro nobis effudit Servator. Quis hæc audiat, & non summum concipiat in animo peccati odium?

S. BERNARDUS, ser. 3. de Nat.

*Peccati
gravi-
tas ex
reme-
dio æ-
stima-
tur.*

Ex consideratione remedij periculi mei æstimo quantitatem. Sanus mihi videbar: & ecce! mittitur Virginis Filius, Filius Dei altissimi, & jubetur occidi, ut vulneribus meis pretioso sanguinis balsamo medeatur. Agnosce, ô homo, quàm gravia sint vulnera, pro quibus

pro quibus necesse est Dominum Christum vulnerari.



II. Novembris. 3. Idus.

B. ENARRANDE, gemina sub vexillo Cisterciensi militia clare: quarum priorem exercuisti juvenis inter Templarios Equites tum gregarius tum supremus Ordinis Magister: posteriori emeritus in Claravalle gefisti, te solùm pro hoste agnosens: galeam dedit humilitas, armorum vicem subiere flagella: vigiliæ, preces, & inedia ludi militares erant, quibus denique melius quàm ante Jerosolymam cœlestem expugnâsti. *Dignum utique stipendium est militia brevissimæ Civitas illa felicitatis æternæ. Tu accende animum meum ad pugnam, ut mori millies eligam, quàm victas hosti infernali manus dare.*

Floruit
circa
annum
1190.

B. HENRICE, Abbas Heisterbacensis: qui juvenis à propinquis, suum magis commodum, quàm tuum spectantibus, ad Canonicatum Bonnensem promotus, salutem in fuga ad cœnobium Heisterbacense quæsiisti. At illi te extra limites evocatum equo violenter imponunt, Bonnâmq; reducunt. Stra-

Obiit
anno
1219.